

DE  
PERSONIS FEUDUM CON-  
CEDENTIBUS, ET ACQVI-  
RENTIBVS.

CAPUT V.

**F**eudi datio sine dubio est species alienationis, dum par-  
ticula domini in alium transfertur. Uti ergo ad om-  
nem alienationem duo subjecta requiruntur, unum,  
quod dare vult aliquid, & transferre in alium, alterum, quod  
accipere & acquirere cupit: ita & hic ita res sese habet. Pri-  
mum de dante est agendum. Hic vero *Dominus* dicitur,  
*I. F. 10. II. 12. &c.* tum ob dominium directum, quod penes  
ipsum manet, tum & præcipue etiam ob fidem, quam pri-  
mario domino debet vasallus, nec non ob reverentiam, &  
servitia. *Ludw. in Syn. C. V. p. 91.* Vocatur etiam *Senior. I. F. 17. &*  
*18.* non quidem, quod ætate semper præcedat, vel præcedere  
debeat dominus vasallum, sed eadem ratione, qua dominus  
dicitur. Nam labente latinitate pro domino, principe, ma-  
gistratum, aut potestatem gerente *seniorem* dixerunt: qua de  
re vid. *Eyben. C. VIII. §. 6.* ex quo etiam Gallorum, Italorum,  
& Hispanorum *Seigneur, Signore, Sennore* ortum ducunt. Por-  
ro a quibusdam *Patronus* dicitur: quoniam vasalli clien-  
tes vocantur, & cum libertis quandam habent similitu-  
dinem. *Rosenth. C. I. concl. II. n. 1.* Germanice *Lehn-Herr* /  
vel *Herr* nuncupatur. Quicumque vero alienare possunt,  
illi & feuda possunt dare, nulla habita sexus, dignitatis, vel  
conditionis ratione, nisi impedimentum, vel prohibitio spe-  
cialis doceri queat. *I. F. 3. pr. I. F. 1. II. F. 3. Struv. Cap. V. th. 2.* Illud  
autem hic velimus notari, de ea datione, & acquisitione, ubi  
feudum

*Datio feu-  
di est species  
alienationis.*

*Feudum  
dans quo-  
modo co-  
cetur?*

Q

feudum